

Headline **Cabar akidah**
Date **15 Aug 2011**
MediaTitle **Harian Metro**
Section **Setempat**
Journalist **N/A**
Frequency **Daily**
Circ / Read **324,097 / 1,981,000**

Language **Malay**
Page No **13**
Article Size **336 cm²**
Color **Full Color**
ADValue **9,662**
PRValue **28,986**



Susulan pemeriksaan ke gereja

Cabar akidah

Portal siar rencana berbentuk soalan untuk dijawab umat Islam

>>Oleh **Maiamalina
Mohamed Amin**

maiamalina@hmetro.com.my

KUALA LUMPUR: Tindakan Jabatan Agama Islam Selangor (Jais) memeriksa aktiviti gereja yang dihadiri umat Islam di Damansara Utama, Petaling Jaya, sini, terus dihentam pihak tertentu dengan terbaru menerusi penyiaran artikel bertajuk 'Soalan untuk Muslim'.

Artikel disiarkan di portal berita Malaysia Today kelmarin ditulis individu mengenalkan dirinya sebagai John Doe dihasilkan dalam bentuk surat pertanyaan terbuka, didakwa khusus untuk umat Islam menjawab.

Soalan berkonsep 'soul-searching' itu diketengahkan John Doe dalam enam set berbeza dimulai kata-kata pengenalan yang menjelaskan prasyarat (untuk memahami) anda sudah membaca al-Quran, atau sekurang-kurangnya memuat turun versi PDF mahupun MP3.

Set A, penulis berkenaan mengetengahkan empat soalan antaranya menyentuh, adakah al-Quran firman Allah dan adakah setiap ayat di dalamnya datang terus daripada Allah serta perlukah dipatuhi semua umat atau sesetengah daripadanya.

Dalam Set B, dia cuba membangkitkan persoalan mengenai hukum syariah adakah ia keputusan Allah, hukumnya mutlak atau tidak dan sekiranya hukumnya mutlak kenapa tiada dua negara Islam lain mempunyai undang-undang syariah yang sama.

Dia juga mempersoalkan berapa banyak hukum milik Allah ada, sekiranya itu yang berlaku dan kenapa Allah

mempunyai hukuman yang berbeza-beza ke atas orang yang berlainan dan siapa Jais dalam hal itu.

Pada Set C pula, soalan tertumpu kepada apakah Allah adil? Mengapa Allah mengutuk sesuatu (kesalahan) perlu direjam, tetapi tidak yang lain? Sekiranya anda percaya Quran perlu diikuti, bermakna hukuman rejam harus dibawa (dipraktikkan) kembali.

Meneruskan soalannya pada Set D dan E, John Doe cuba bertanya sejauh mana literalnya kita perlu mengikut al-Quran, adakah setiap ayat, beberapa daripadanya atau apa yang dikatakan Jais dan siapakah yang menentukan Jais adalah pihak berkuasa sepertimana Allah menyebut 1,400 tahun lalu?

Soalnya lagi, dapatkah Jais menunjukkan Allah-Manusia SMS, atau memberi e-mel, sijil daripada Allah dan mempersoalkan lagi siapa Jais. Dia bertanya sekiranya Jais tidak dapat membuktikan mereka pihak berkuasa dari Allah, mengapa hukumannya berbeza daripada (amalan) Timur Tengah.

Mengakhiri soalannya pada Set F, individu itu membangkitkan soalan-Apakah Allah membela umatnya?

Apakah umat harus membela Allah? dan Siapa Jais lagi?

Mengulas paparan artikel itu, bekas Pengerusi Yayasan Dakwah Islamiah Malaysia (Yadim), Datuk Mohd Nakhaie Ahmad memberi peringatan kepada semua pihak.

"Jangan cuba menimbulkan isu atau masalah yang sudah jelas diketahui umat Islam tempatan mahupun di dunia ini amat yakin hanya ada satu saja Tuhan iaitu Allah Taala dan Dia adalah

Headline **Cabar akidah**
Date **15 Aug 2011**
MediaTitle **Harian Metro**
Section **Setempat**
Journalist **N/A**
Frequency **Daily**
Circ / Read **324,097 / 1,981,000**

Language **Malay**
Page No **13**
Article Size **336 cm²**
Color **Full Color**
ADValue **9,662**
PRValue **28,986**

sempurna serta adil.

"Mereka (gereja) pihak yang lakukan kesalahan, melanggar undang-undang, yang berdakwah mengembangkan ajaran agama mereka secara tidak jujur, tapi (ada pihak) terus melaung (dengan kenyataan macam-macam)...itulah yang membuatkan krisis berlaku.

"Hubungan Islam dengan agama lain seperti Buddha misalnya, sentiasa baik....cukup tenteram. Kalau ada penganut agama itu yang beralih meluk Islam itu pun berlaku atas kerelaan sendiri, tiada paksaan dibuat ke atas mereka. Begitu juga dengan Cina Baba dan sebagainya," katanya.

>3,000 guna khidmat, tinggal di gereja

KUALA LUMPUR: "Saya anggarkan 3,000 orang atau lebih mendapatkan khidmat atau tinggal di gereja," kata Yang Dipertua Pertubuhan Kebajikan Baitul Fiqh, Juhaidi Yean Abdullah (*gambar*), di sini, semalam.

Beliau yang dihubungi Harian Metro, semalam berkata pengalamannya menyelamatkan lapan penghidap HIV Muslim yang berlindung di gereja atau rumah kebajikan masyarakat atau WCH (welfare community homes) membongkar perkara sebenar di sebalik sumbangan itu.

"Walaupun kesemua mereka kemudian dipindahkan, selama setahun mereka tinggal

dengan kami, banyak cerita yang dapat dikongsi.

"Malah, saya anggap cerita ini akan berterusan jika kerajaan tidak berbuat sesuatu," katanya.

Beliau diminta mengulas 12 individu beragama Islam yang hadir pada satu majlis di Gereja Methodist Damansara Utama (DUMC), Petaling Jaya, dekat sini, sebelum diperiksa Jabatan Agama Islam Selangor (Jais), 3 Ogos lalu.

Lapan penghidap HIV positif yang berasal dari Lembah Klang itu mendapat perlindungan di Pertubuhan Kebajikan Baitul Fiqh Subang Jaya sekitar dua tahun lalu sebelum mereka dipindahkan ke Rumah Al-Ijabah, dekat sini, untuk rawatan dan pemulihan.

Juhaidi pada masa sama turut meminta kerajaan supaya memberi kebenaran kepada pertubuhan kebajikan berasaskan Islam untuk mengesan Muslim yang mendapat khidmat daripada pertubuhan lain untuk dibawa ke pertubuhan mereka.

